

玄覽堂叢書續集

第三十四冊

9(5)(08)
0079

0528453

no.5



國立臺灣大學圖書館典藏
由國家圖書館數位化

大元大一統志卷第五百三十八

奏進

集賢大學士資善大夫同知宣徽院事臣李蘭肘

昭文館大學士中奉大夫秘書監臣岳

鉉等上進

金州

建置沿革

禹貢梁州之域秦楚之交天官東井輿鬼
又兼得翼軫之分野虞舜居之謂之媯墟
周為庸國地春秋戰國並屬楚周赧王三
年秦建楚師戰于丹陽楚師大敗遂取漢
中地置漢中郡西漢漢中郡治西城東漢

528453

民國37.2.7

建安二十年魏武破張魯分漢中之安陽
城西縣置西城郡二十四年蜀命孟建攻
上庸上庸太守申耽以地降蜀先主以耽
弟儀爲西城太守後儀降魏文帝復使之
守黃初二年改西城爲魏興郡魏新城太
守孟達與魏興太守申儀有隙舉兵叛魏
而吳漢各遣偏將向西城以救孟達邵陵
厲公安始二年蜀蔣琬欲乘漢沔東下襲
魏興郡梁晉改安陽縣曰安康晉志魏興
郡領縣六安康西城以縣屬焉符秦遣梁

刺史韋鍾圍魏興太守吉挹於西城晉遣
毛虎生救魏興虎生兵敗秦遂拔魏興時
太元四年也宋末分魏興之安康縣置安
康郡齊因之梁承聖元年爲東梁州西魏
將王雄取上津魏興東梁州刺史安康李
遷哲降魏安康人黃衆寶及攻魏興圍東
梁州西魏廢帝三年以其地出金改爲金
州置金城郡仍領魏興郡隋開皇六年郡
廢大業三年州廢爲西城郡唐武德元年
復爲金州天寶元年改安康郡至德二年

改漢南郡乾元元年復爲金州光啟元年
置昭信軍防禦使治金州尋陞爲節度使
天祐元年改戎昭軍梁開平二年王建據
蜀改雄武軍晉天福四年置懷德軍十二
年降防禦使宋乾德五年改昭化軍節度
舊隸京西南路紹興九年胡世將爲川陝
宣撫使命郭浩以八千人守金州此金州
置帥之始也十三年以州隸利州路十四
年分利州路爲東西兩路以楊政帥東路
吳璘帥西路並以安撫兼軍帥欲其帥臣

事體均一故又升金州爲金房開達四州
路以郭浩爲金房開達安撫使遙制夔路
及京西三都自後或兼管內安撫除罷無
常舊領西城漢陰洵陽石泉平利上津六
縣

國朝置爲散州以六縣地荒不復設立
里至

本州

東北至上都五千三百里

東北至大都四千三百里

西北至本路六百里

東至均州一千一百里

西至洋州四百八十里

南至大寧州七百里

北至乾祐廢縣六百五十里

東到均州鄖縣界五百里

西到洋州饒風嶺二百五十里

南到大寧州四百五十里

北到乾祐廢縣四百五十里

東北到商州二百五十里

西南到興元路西鄉縣二百五十里
東南到房州竹山縣二百八十里
西北到盤屋縣大白山瀉油關四百里

山川

牛山

在城北五里爲金州羣山之冠上有泉

大旱不涸久雨不盈歲旱祈禱必應有

鐵佛院王象之紀勝引舊圖經云

鳳凰山

在漢陰廢縣一百五十里上有十二層

懸竦萬仞周地圖云鳳凰山爲龍子山
疊嶂十二層按道書云山十二層上有
仙人舊園又太平廣記載鳳凰山神嘗
以玉龍膏民瘵今若置錫于井甕間或
採海藻服之亦可愈瘵疾上有棲雲庵
真宗時洛人章阿父嘗隱焉安康舊志
云

魏山

在西城縣西南九里其山東西西南三面
絕險不通者晉吉挹爲梁川督護苻堅

破韋鍾伐之挹於急口歧山為壘固守
鍾三年不能下安康志云

南山

在西城縣又名吉挹城詳見古蹟

心山

在西城縣漢宣帝時北平陽厥為漢中
守經此山有棲適意遂不之郡學道于
此感瑞見金羊因易姓羊今縣界有羊
氏即厥之族也山下有殊草有風不偃
無風獨搖安康志云

真山

在石泉縣有張天師古蹟

龍山

在洵鄉縣北一百二十里有靈泉旱禱
即應

鵬嶺

在上津縣防遏商州賊路地險要

留停山

寰宇記云在洵陽縣行人登之愛其峭
拔多停留縱覽因名安康志

趙臺山

在西城縣南二里梁北漢水泛溢人皆

走此山下

焦陵山

隋志在西城縣

馬跡山

天洵陽縣北山上有馬跡五所因名安康

志云

西城山

在西城縣北五里有其名若仙洞洞口有竹

紫荊山

在洵陽縣東南五十里有洞深可五六里號仙洞山後有石池傍有石蓮花萼相承高二丈許

五鳳山

在上津縣之柏拒村山上有石洞內有

澤

梁門山

在漢陰縣東八十里梁將五神令開拓承境梁門爲界之地元和郡縣志云

藥婦山

寰宇記在平利縣東南八十五里周地
圖云有夫婦携子入山獵其父落崖妻
子將藥救之並爲三石人以此得名今
頂有有古僊石藥臼尚存九域志有藥
婦山上堯水山堯公其色猶白不任可

天柱山

亦名牛山在上津縣北一百五十里又
按殷武名山記云上津天柱山懸崖壁
立秀出衆嶺有無名游仙洞洞口有竹

數莖寒風凜然人不敢犯

當門山

在洵陽縣東百七十里有二峯相對望

天之如門

饒風嶺

乃洋州來路紹興二年金撒離曷與四

太子盡發僉軍聲言東歸太原及自於

商出漢陰擣梁洋金州失守吳玠率兵

徑趨金洋與之大戰饒風嶺上金兵敗

金撒離曷潛軍間道踰蟬嶺出官軍後

斷玠歸路玠按兵徑趨西縣扼其吭賊
便旋中梁山浹月一夕潛遁

漢水

去州城百步其源出金牛鎮嶧塚山下
東流歷洋州縈紆千數百里而後至金
州之境水出麩金其色稍白不任膏獻

月川水

出漢陰縣東梁門山水出麩金

洵水

出洵陽縣北洵山去縣一百五十步

天心水

在長利縣

直水

源出安西路乾祐廢縣弱嶺姜子關經
漢陰縣注於漢北流當終南子午谷路
是也

八水河

九域志

甲水

在上津縣西二百步南流注漢水

杏水

在上津縣北七十里源出石城山西漢水側石臼中水色白而味甘以上並安康郡志輿地紀勝引用之

長利水

在上津縣亦名仙水西北自豐陽縣界流入均州豐利縣

土產

麩金

出百川水新圖冊云越河是也

茶園

在石泉縣

杭米

粟米

小麥

大麥

蕎麥

大豆

小豆

菜豆

白檀香

蜜

蠟

梔子

蒼朮

細辛

川芎

桐子

淚香

海金砂

金毛狗脊

天門冬

麥門冬

天南星

半夏

苦參

黑狗脊

杜仲

牛膝

石三稜

苦葶藶

枳實

芍藥

常山

穀精草

蛇床子

仙靈脾

石菖蒲

葛根

五倍子

黃柏

厚朴

金釵石斛

海桐皮

草烏頭

黃蘗

蜈蚣

鹿茸

熊膽

零陵香

香白芷

五靈脂

青箱子

密蒙花

威靈仙

吳茱萸

自然銅

玄胡索

草決明

白芨

天麻

石南

升麻

白膠香

山藥

礬

河參

桔梗

地榆

大戟

天錢子

梭花

通草

烏金子

車前子

鱧魚

出上津縣嘉魚穴

風俗形勢

土地險隘其人半楚風俗畧與荆沔中郡
同安康志云

詞訟絕少租賦甚微真宗咸平五年邵守
陳彭年答詔五事云

五方之民會焉其風俗各隨其力安康志
云

舟車輻輳商賈接踵秦頭楚尾一大都會
舊圖經云

俗重寒食與洋州同

其俗多獵山伐木深有楚風寰宇記云

地臨漢水境枕秦川寰宇記

為秦楚之地同上

大元大一統志卷第五百四十二

奏進

集賢大學士資善大夫同知宣徽院事臣字蘭朋

昭文館大學士中奉大夫秘書監臣岳鉉等上進

延安路

土產

石油

在延長縣南迎河有鑿開石油一井其
油可燃兼治六畜疥癬歲納壹百壹拾
斤又延川縣西北八十里永平村有一
井歲辦四百斤入路之

麻布

膚施縣出

風俗形勢

白翟故地俗與羌渾雜居撫之則懷安擾之則易動自昔然也寰宇記云

好尚淳厚頗知禮度延安舊志云

俗尚淳儉不崇侈靡善營市利頗習程法
膚施舊圖經云

安定之俗高武力最勤耕織圖冊云

人重稼穡棄末作而專尚農桑之務延安

舊志云

俗尚鬼神而信禱祈方輿撮要引舊圖經云

人皆慕道而希仙宜川舊爲丹州圖經云俗謂丹州白室北頭南舌蓋言其狀似翟而語習中夏白室即白翟語訛耳近代謂之部落稽寰宇記引隋圖經雜記云

山形尖如碧簪故名碧簪山輿地樞要云橫嶂高數百丈輿地樞要云

山形如卧龍是一郡之名山故曰伏龍山

寰宇記云山在膚施縣西北五里南北一
帶

土俗有牡丹延安紅丹州紅皆彼產之傑
然者自丹延以西尤多與荆棘無異土人
或取以爲薪歐陽脩花品叙云

延長有山名獨戰者以山高險峻一人獨
戰可以當千寰宇記云在延長縣北四十
五里

黃河之流界限冰清宜川舊志云

保安舊爲郡以琴山爲主山保安舊志云

保安山峯如船狀舊日郡人四時遊賞於
此保安舊志云

延安古郡秦陝要區

延州秦州戶杜甫詩云

廊延之地皆荒阜饒瘠熙寧五年延州守
臣趙高奏議云

古蹟

延水故城

在延安路東北一百一十里元七鄉本
秦臨河縣地秦滅六國使蒙恬將兵十

萬北擊匈奴悉取河南地因河爲塞築
四十四縣城臨河徙謫戍以充之漢因
之在今廢縣理北十五里臨河故城是
也後魏于其中置安民縣并安民鎮屬
東夏州隋文帝廢鎮置安民戍唐武德
二年重置安民縣屬延州貞觀二十三
年改爲宏風神龍元年更爲延水縣取
吐延水爲名後遷在縣西骨胡川宋熙
寧八年省爲鎮入延川舊圖經云延水
豐林門山產麝香

門山故縣

方輿記云在延安路東南一百八十里
一鄉本漢定陽縣地周宣帝大冢元年
分汾川雲巖二縣於本縣南六里置門
山縣北有山其形肖象如門因名唐武
德六年徙於宗斯堡不通人馬總章二
年移於原上廣德二年割屬延州宋屬
延安路金因之

國朝至元六年併入宜州

延安故城

按後魏志以東夏州爲延州在延水東
蓋以管内延水爲名也至宋慶歷五年
改卜延水西今路城是與舊城相直人
呼故城爲東州按圖經地產真臘秦膠
司馬光延安道中詩有暮烟凝塞上候
火落天涯之句

豐林廢縣

寰宇記云在府東南三十里三鄉漢高
奴地晉立爲臨河縣尋廢後魏太和元
年置廣武縣後周大象元年徙治改爲

豐林縣隋初廢唐武德二年復置宋熙
寧五年省爲鎮入膚施有琉璃山在廢
縣北九十五里

金明廢縣

寰宇記云在府北五十里二鄉漢高奴

縣地後魏大武十二年置廣洛縣由界

內有清水所經故立廣武爲名耳隋仁

壽元年改爲金明縣避煬帝名也大業

三年省入膚施唐武德五年折置金明

縣宋熙寧五年廢爲寨入膚施

敷政廢縣

張洽地理沿革表云在州西九十五里
一鄉九域志云有招安萬山二寨亦漢
高奴縣地後魏太和初置因城縣後周
廢尋復之隋開皇六年於其中置金城
鎮唐武德二年移縣就鎮更屬金城貞
觀八年來屬天寶元年改爲敷政縣宋
因之

國朝至元六年併入安寨

臨真廢縣

九域志云在府東南一百一十里二鄉
方輿記云亦漢高奴縣地後魏大武置
臨真縣屬偏城郡周武大和元年稽胡
畔政破城遂移於流川隋大業十二年
賊張諲攻破又移就曷雞城權住義寧
元年稽胡首領歸國武德元年郡廢縣
隸延州從曷雞城移就流川舊處宋國
之金正大屬丹州

國朝至元六年併入甘泉

丹州廢城

禹貢雍州之域春秋時爲白翟所居秦屬上郡漢因之魏文帝省上郡晉陷于戎羯苻姚時爲三堡鎮後魏大統三年割鄜延二州地置汾州理三堡鎮廢帝以河東汾州同名改爲丹州因丹陽川爲名領義川樂川郡隋大業三年廢丹州於義川縣置延安郡十三年爲蕃賊劉步祿所據義寧元年於義川縣置丹陽郡唐武德元年改爲丹州領縣五二年於州置總管府管北連北廣二州貞

觀元年罷府爲州永徽二年徙於赤石川天寶元年改爲咸寧郡乾元元年復爲丹州按郡志所產有龍鬚席蠟燭香子苦參麝香元豐九域志云舊貢

國朝至元六年併州入宜川縣屬延安路

古丹州城

在宜川縣東北二十九里唐永徽一年遷于丹陽赤石川口其城遂廢

廢咸寧城

在丹州東四十五里一鄉奉秦上郡地

後魏太和十八年即縣南白水川置永
寧縣屬義川郡至大統十三年改爲大
平縣隋開皇三年罷義川郡以縣屬丹
州十八年改太平縣爲咸寧縣以界內
鎮爲名宋太平興國九年併入宜川

故雲巖縣

在丹州西北七十三里三鄉職方攷云
後魏大統二年於薛河川置永平縣屬
義川郡十二年更爲雲巖縣因邑界雲
巖山以爲名大統九年大水漂湯移於

桑樞原隋開皇三年移就廢樂川縣大業二年入義川縣唐武德元年復置於迴城堡又逢陰雨汲水不通咸亨四年移居庫利川復爲河水衝注宋開寶三年移於東南一百步宋熙寧七年廢爲鎮併入宜川今屬延安路有雲巖村

汾川故城

在丹州東北七十里二鄉職方攷云本漢上郡地魏太和八年置安平縣在薛河川屬北汾州其州在河西三堡鎮東

更有南汾州魏大統十八年省北汾州
乃取丹陽川號立汾川縣初理高樹山
南善多村周保定三年移就庫利川北
甚寒原隋大業十年蕃賊郝仁朗攻陷
又移於土壁堡唐開元二十二年移於
甘泉坊圖經云縣西有殺狗嶺而黃河
在縣東北四十五里從北延州門山廢
縣來經縣界七十里南流入鄜州郡城
縣河岸頓狹狀肖槽形鄉人呼爲石槽
蓋禹理水鑿石導流之處宋熙寧三年

省汾川縣爲鎮入宜川屬丹川金因之
國朝至元六年同宜川_屬延安路

保安故城

本延州之永康鎮宋太平興國二年置
軍管二鎮一十九寨東至蕃部悉逋族
七里至延州金明縣界七十里西至蕃
部悉逋族一十里至慶陽府金湯鎮界
三十里南至延州敷政縣界一百一十
里至延州一百五十里東北至蕃部厥
移族一十里至古宥州八十里土產羊

地寒霜早不宜五穀九域志云土貢毛
毼後蓉金升爲州正大兵亂戶口彫殘
今復爲縣

古鐵錢監

宋熙寧八年置在延安府城東建炎後
陷于金此監遂廢

黑城

在今甘泉縣管內臨真廢縣東二十五
里庫利東流川交口赫連勃勃置大象
二年於此置郡其城緣山坡崎嶇不正

遂名黑城

故雕陰縣

在甘泉縣南四十里有雕陰小司馬光
經行有詩

唐北連州城

唐地理志云武德二年於延長縣分置
此州并置義鄉齊明二縣以隸之貞觀
三年州廢省二縣入延長

廢永州城

唐地理志武德二年於金明縣東境置

永州并置洛盤新昌三埶三縣貞觀四
年徙州治洛原遼州廢省洛盤新昌三
埶三縣入金明

延昌故城

唐地理志云武德二年置北仁州貞觀
三年州廢十年以其地置洛交縣天寶
元年更今名其北蘆子闕唐莊宗避諱
省入延長

西和州故城

延水縣本曰安民唐武德二年析延川

置縣即隸置西和州并置修文柔原二
縣貞觀二年州廢省二縣入安民隸北
基州州廢來屬延州

閣門

唐志云州有府七敦化延川寧戎因城
塞門延安金明儀鳳中北谷渾部落自
涼州內附置二府于金明西境曰羌部
落曰閣門

金蹄犢子殿

在安塞縣管內敷城廢縣西三里有古

城昔有犢子出石縫中金蹄銀角化現
坡犁王立此城廟今毀

合嶺關

舊圖經云在豐林廢縣東北

蘆子關

在延長縣境內故延昌縣北元和郡國
志云關屬延州杜工部甫塞蘆子詩五
城何迢迢迢迢隔河水延州秦北門關
防猶可倚沈括筆談云延安今有五城
說者以爲舊有東西二城夾河對立高

方典郡始展南北東三關城即杜甫以
觀則天寶中已有五城矣司馬溫公光
嘗有詩圓水猶飛檄蘆關未徹烽之句
永寧關

九域志云在延川縣宋熙寧六年冬十
月辛未詔延州永寧關黃河渡口置浮
梁永寧關與石隰周跨河相對嘗以芻
糧資延州東城路寨而津渡阻隔有十
數日不克濟者故命趙高營置以通糧
道兵民便之

神泉

在膚施縣五龍山下

暖泉井

方輿撮要云在延安府之西府居南北
兩河之際河水深濁井泉苦北泉七眼
其味甘美冬溫夏冷遇大寒眾泉凍此
泉流溢不減甚濟居人

五龍泉

在延水廢縣東一里平石縫中湧出有
雄吼之聲其泉甘美可濟一方上有五

龍堂故名方輿撮要引水經云龍泉在
左山上有牧龍川多產駿馬

甘泉

在甘泉縣南巖谷上泉去地一丈飛流
激下其味甘嫩隋煬帝遊此飲之取入
內又泉側有奇鳥一隻身背項白足赤
尾如小山鵲上黑下白其聲數種

嘉泉

在膚施縣管內豐林廢縣東北耆老云
水湧出飛流一丈似團碾可嘉因名

玉蓮池

方輿樞要云在宜川縣舊丹州治內池
有萬頃爲一方之勝久廢舊圖經云

雲巖

在宜川縣境內舊因此巖名縣名賢多
有題咏

丹巖

在丹州廢城上有仙人舊煉丹爐猶存
極高峻

石碁巖

在保安廢城內巖高數十丈上有石碁
枰并石碁子舊圖經云

庫碣

有川在宜川縣西北二十里從雲巖廢
縣界入合丹陽川按圖經云川南是漢
北是蕃蕃漢之人於川內共締香火故
喚香火爲庫碣因此爲名又有小庫碣

川

石閣

有小在雲巖廢縣東北三十里丹延兩

界山形肖樓閣

魏東北三十里長城西

青眉山

在延川縣西北六十里耆老云後魏有

在延川縣西北六十里耆老云後魏有

土蕃青眉家族居圖經云又保心氣

甘泉亭

在延川縣西北六十里耆老云後魏有

以泉得名久廢川無源豈云川源多美

相思亭

在延川縣西北六十里耆老云後魏有

在上郡南三十里大山之麓二水所交

平阜上宋慶歷四年司馬溫公光適延

安過此亭下以往來者徒習其名莫詳

其義于時夏人梗道征戍未息竊感東
山采薇之義叙其情而思其勞因作五
詩庶不違周公之指且以釋亭之名爾
其一云嶺上雙流水猶知會合時行人
經過此那得不相思餘不錄

迎薰亭

在路之南城久廢司馬溫公和龐籍經
略城南八詠其一云華館壓清波坐待
南風至須知明牧賢善達吾君意

供兵碓

在郡之南城久廢司馬溫公和龐籍詩
其二有云晨暮響寒泉飛輪快風轉士
飽氣益振輕與先零戰

柳湖

在路之城南司馬溫公龐籍詩詩其三

和龐籍

云依依烟未歇漠漠風初靜浮花滿波
面不見參差影

飛蓋園

在路之城南久廢司馬光和龐籍詩其
四云軍中富餘暇飛蓋南城隈雍容陪

後乘一一應劉才

翠漪亭

在路城南久廢司馬溫公和龐籍詩其
五云雕簷日華動滉漾照漪連四月芟
荷滿不似在窮邊

延利渠

在路之城南久廢司馬溫公和龐籍詩
其六云枝分清淺流縱橫貫城市還如
恩在人潤澤無終既

綠雲軒

在路之城南久廢司馬溫公和龐籍詩
其七云逼漢敞高巖綠雲構飛閣東山
草樹曛致足登臨樂

禊堂

在路之城南久廢司馬溫公和龐籍詩
其八云簫鼓震陽休組練照芳洲意氣
坐中客羞笑山陰遊

叢秀閣

創於保安郡郡治之右名勝多題詠久

廢

吃莫河

在保安縣廢州治一十里源出蕃部吃
莫川南流至州城四十六里入洛河不
勝船筏

聖人道

在保安縣今廢州城東七里從蕃界末
移家族來經由廢州界一百五十里入
敷政廢縣界即赫連勃勃起自夏臺入
長安時平山谷開此道土人呼爲聖人
道

塞門龍安金明三寨

在虜施縣丹頭綏平懷寧順安白草永
平浮圖義合米脂九寨在延川招安萬
安二寨在敷政惟寨門地形險阻宋初
嘗以扼寇衝元昊犯順頻來闚取及恭
服遂以寨門一寨給賜元豐間復取之
紹聖末諸寨又展築工役並興發地得
大竹根半已變石宰相章惇語客曰延
安自昔無竹亦一異也客皆無語邵伯
溫獨曰天地回南作北有幾矣公以今

延安爲自天地以來西邊乎惇太息曰
此邵先生觀物之學也蓋惇早出于原
節門下云

英烈蓮花九州臺燃燈臺四堡

呂惠卿作記曰延之爲城有地足以扞
守而稅鞅於此邦者不遑省故夏人常
作擾熙寧十年來帥延因時存觀南上
嘉嶺北九州臺西北獵於伏虎龍頭山
東閱武於武家平皆極高深之會度工
傳武建四堡曰英烈曰蓮花曰九州臺

曰燃^燈臺英烈以廟名蓮花以形名九州燃^燈臺以山名其建之所在則予所謂敵得之足以時吾動息而我得之足以扞吾城者且延之五城惟西州之南爲終不可守即其已具之器物而均之四堡付所守之人耳因四城之餘衆而分隸焉旣以其事上聞故書以刻之石

范文正公祠

在膚施縣東二里東州其祠久廢今地屬道觀遺址猶存

尸毗王寺

在豐林廢縣界即王割身救鵠之所也

廢王野寺

在雲巖廢縣北十五里古老相傳劉薩
河坐禪處稽人呼堡為可野四面懸絕
惟有北面一路通人馬

甘泉寺

在甘泉縣久廢

黃帝五龍祠

在膚施縣久廢

鷓鴣山神廟

在延長縣東六十里耆舊相傳昔時鬪
戰相殺收拾人首數十萬于此山因置
祠廟

金蹄犢子廟

在敷政縣廢縣西三里今廢

大元大一統志卷第五百四十三

奏進

集賢大學士資善大夫同知宣徽院事臣字蘭財

昭文館大學士中奉大夫秘書監臣岳鎮等上進

延安路

官蹟

馮立

漢書字聖卿徙西河上郡太守治行略
與馮野王相似民歌之曰大馮君小馮
君兄弟繼踵相因循聰明賢智惠愛民
政如魯衛衛德化均周公康叔猶二民

李廣

漢書爲上郡太守擊北方有功武帝以
廣爲名將拜未央衛尉

李昉

以給事中知衡州陶穀誣奏昉爲親屬
求京畿令太祖問張昭昭胎氣直言穀罔
上太祖疑之出昉爲彰武行軍司馬後
召還拜中書舍人宋史云

馬知節

自益州守徙知延州時羌以兵窺邊會

上元開門觀燈視以魚爲而羗卒不敢
爲寇移知鎮州

田重進

以成德軍節度使知永興軍改知延州
重進以武勇知名而在鎮專務以仁厚
及民約束吏人不令擾百姓卒于任

向敏中

先以集賢殿學士知永興軍會李繼遷
死其子德明議納疑就命敏中爲鄜延
路緣邊安撫使徙京兆景德二年移知

延州受德明降事畢移鎮河南

呂公弼

自渭州徙知延州甚有治聲還爲羣牧
使宋史云

范雍

自史部侍郎知河南府拜鎮武軍節度
使知延州廊延路經畧安撫使適元昊
驅衆十餘萬至城下雍命石元孫出戰
又召劉平來援通判計用章固執以衆
寡不敵無輕舉不從二將戰歿雍左邊

戶部侍郎知安州事見宋史

計用章

初用范雍辟爲延州通判既就職嘗謂
修城壘備器械乞朝廷加兵選將以圖
討夏賊若不以爲意恐關輔之禍非年
歲可弭雍不以爲然元昊以兵來圍城
二將陷陣都監黃德和奔還雍召用章
問計用章曰屢獻言而不用今惟有一
死以報國然城中老弱無辜皆公陷之
至此若令同爲血肉是公上負天子下

負百姓雍怒拂衣起晚而起又召問用章曰

惟有死爾尚何言會其夜雪大作賊遂
退雍挾用章陷百姓之言而誣以罪用
章遂竄雷州其後范仲淹經略延安知
用章以忠獲罪奏雪于朝田况亦以爲
言起監隨州酒明年復故官事見宋史

范仲淹

以龍圖閣直學士知水興軍時延州諸
寨失守東西四百里無藩籬人心危恐
乃以仲淹爲守帥仲淹折州兵爲八將

將三千人訓練整齊使吏禦賊諸路皆
用以爲法賊聞之第戒曰毋以延州爲
意今小范老子腹中自有數萬甲兵不
比大范老子可欺也大范謂雍也又築
青澗城以逼賊衝墾田二千頃復永平
廢砦屬羌歸業者數萬戶時議諸路進
討獨仲淹固守廊延不從逮元昊遣人
遺書以乞和仲淹以爲難信書有僭號
不可以聞乃自爲書令去僭號告以逆
順成敗之說甚辯元昊復有書不遜仲

淹焚其書不以聞坐奪官知耀州

吳育

以宣徽南院使判延州夏人既納款而
並邊種落數侵爲患龐籍守并州欲築
堡備之育因謂約不先定而亟城則爭
而受患者廊府也乃移文河東又籍籍
書及跡於朝不報已而夏人果犯邊育
以疾祈退乃以爲大學士知河中府

龐籍

以陝西都轉運使爲龍圖閣學士知延

州兼鄜延路經略安撫招討使自五龍
川之敗戎落民居焚蕩俱盡戍兵無營
壁籍按金明西北有渾州川土平沃川
尾有橋子谷即夏人出入隘道命狄青
築招安砦于谷旁募民耕墾得粟甚多
訊故地爲夏人所據者悉逐之久之夏
人効順籍召李師中問其信否師中曰
元昊數欺中華故疑之今用兵數歲雖
戰屢勝而所攻弗克田里所掠不辨一
日之費向來所已罄矣故罷兵爾野然

公母以爲歸之朝廷則兵可罷竊計諸公不以此予人也籍未以爲然旣而果遣兩人以他事使西夏過延安問朝廷議罷兵云何皆曰不知及還與夏國使王延壽來籍召會兩人問延壽來意又曰不知籍曰延壽黠酋與君來而君且不知者耶召裨將因問王延壽何來吾爲將尚不與知耶亟書所奏事不然且遣還兩人大恐乃以情告願還使者籍曰軍令不可反君自取之而書其事

來兩人具以事聞籍自是異師中烏籍
在任治城及寨皆募禁軍爲之軍行出
塞則俾囚糧于敵馬芻皆自刈之還界
其直民無飛輓之勞逮去民遮道泣曰
公用兵數年未嘗以一事煩民雖以一
子爲香焚之猶不足報追送數驛乃去
籍召爲樞密副使事見宋史

狄青

寶元初補延州指使龐籍爲帥知青敢
勇常使當賊鋒凡數年大小二十五戰

青以智畧收竒功嘗被髮帶銅鑄人面
突圍陷陣往來如神夏人震畏懾服無
敢當者厥後累遷涇原副都總管後以
彰德軍節度使知延州夏人不敢犯塞
皇祐四年拜樞密副使宋史云

韓琦

康定元年西邊用兵仁宗命夏竦為陝
西四路安撫招討使琦副之置司延安
夜有人携匕首至卧內遽褰幃帳琦起
坐問誰則曰我來殺諫議又問誰遣汝

來曰張相公遣來蓋夏國正用事也琦
復就枕曰汝携我首去其人曰某不忍
也願得諫議帶足矣遂取帶而出明日
琦亦不治此事俄有守陴守報城樓上
得金帶者乃納之時范純佑亦在延安
語琦曰不治茲事爲得體蓋行則沮國
威今乃受其帶是墮賊計中也琦握其
手曰非琦所及尋以任福違節度敗沒
好水琦坐奪秩降知秦州事見宋史

程戡

嘉祐初年以宣徽南院使判延州治平
初加安武軍節度使戡守郡凡六年比
儕輩名習事然無他智略不爲言者所
與蕃官於覃恩例無序遷始用戡奏皆
得遷州夾河與兩城堞卑薄常爲夏賊
攻圍登九州臺下瞰城中戡調兵夫大
增築之後以爲利橫山酋豪怨夏主諒
祚欲以其屬叛取靈夏求兵爲援戡言
豺虎非其相傳則未易取也癰疽非其
自潰則未易攻也諒祚久悖慢當誅衆

此宜聽許朝廷重生事遂寢不報年過七十告老章十數上未曰臣老疾劇矣高奴屯勁兵爲要地豈養病所耶召還至鄧城卒

郭達

初以殿直爲延州指使范仲淹帥令主私藏端坐終日不出門外仲淹益任之韓琦來代仲淹達又事之琦尤器重屢立大功累遷至副總管

程琳

慶歷七年以武昌軍節度使知永興軍加
宣徽北院使廊延路經畧使判延州時
夏人數百驅畜產至界上請降言契丹
兵至衙頭矣國且亂願自歸附琳曰契
丹兵至元昊帳下當舉國取之豈容有
來降者吾聞夏人方捕叛族此其是乎
不然誘我也拒而不受已而夏人果以
兵數萬臨界上琳戒諸堡勿出兵夏人
以爲有備引去自此不復闕邊皇祐元
年加同中書門下平章事留守北京

胡瑗

慶歷初以白衣召見拜秘書省校書郎
辟丹州軍事推官瑗以湖州學法聞于
時及來丹州隨其人賢愚皆循循雅飭
其後貢舉所得士多瑗之高弟也改密
州觀察推官

薛奎

事仁宗以直昭文館出知延州州有夏
人嘗寇境上奎至一一以恩信結人心一
以威令來諸寨由是夏人終奎之去不

敢犯塞政成人悅召爲龍圖閣待制知
開封府以上官蹟皆見宋史

沈括

以龍圖閣待制知青州改延州帥廊延
路時王師西大舉伐西夏种諤助兵入銀
夏州而不能有明年括請城永樂命徐
禧李舜舉計議邊事李稷主糧餉遂城
永樂距銀夏五十里米脂五十里賜名
銀川砦旣而賊二十萬重圍永樂城遂
陷於是漢蕃官二百三十八免丁二千

三百人皆沒焉禧舜舉稷死之神宗乃
以括始議責居隨州烏筆談云括在延
安之日新一廳事謂之五司廳延州止
廳乃都督廳理延州事五司廳理鄜延
路軍事如唐之使有五司者經畧安撫
提管節度觀察處置五使今節度之職
多歸總管司觀察歸安撫司處置歸經
畧司其節度觀察兩寮并支掌惟判官
今皆治州事經畧安撫司不置佐官以
帥權當專都總管以下皆受經畧司節

制事見宋史

趙高

先是高爲汾州司法參軍而郭逵宣撫

陝西帥延安辟高在幕府種諤擅納綏

州降羌朝廷病其生事欲議誅諤高上

疏留之乃從遂活降羌數萬人留東路

扞蔽後以直龍圖閣知延州事夏人屢

款塞高能揣知其情遂奏言賊使請和

其意必欲畫綏州界願聽本路經畧司

分畫明年遂用高策以綏州爲綏德城

後自慶陽帥再帥延安元祐初渠乞埋
數犯邊高擲其腹心俘馘甚衆遷樞密
直學士累遷端明殿學士卒宋史云

劉平

以靜難軍留後爲廊延等路兵馬都部
署元昊攻保安自土門路入寇延帥范
雍令平至保安與石元孫合平趨土門
旣又有告賊兵趨金明圍延州雍復召
平還延州平夜至三川口西四十里營
令騎兵先趨延州奪門詰朝步兵未至

平與元孫還逆之行二十里遇兵與偕
行至三川口遇賊與戰時平地雪五尺
餘賊于水東爲偃月陣我師于水西亦
然相嚮賊稍進我師奮擊殺賊數百人
平左耳右脛皆中流矢戰少卻郤延路
駐泊都監黃德和引兵走平轉鬪三日
賊問主將所在何不降平應之曰犬賊
不降我何降也以衆寡不敵與元孫俱
被執平罵賊不已遂見殺年六十八德
和既遁遂誣平降賊詔以兵圍其家殿

中侍御史文彥博即河中府置獄訊之
其得其實遂釋其家德和坐腰斬賜平
家信陵坊第一區贈忠武軍節度使兼
侍中謚曰節愍事見宋史

高良夫

以國子博士通判延州歐陽修行制詞
曰邊鄙之士不徒社金革而當矢石至
于撫人民平政賦凡關決于其間者不
亦勞乎惟爾之才久于其事今三載考
績而例當進秩爲常典以爾有勞宜推

茂恩以旌能吏

王温恭

權保安軍判官知延州延水縣事歐陽
修制曰自西陲用兵而智謀才勇之士
奮然而爭出者非惟吾爵賞是利益士
之負其能者亦欲因時而立焉百里之
縣有民與土課日而實軍備平政以懷
邊亦足有爲將觀汝効並出宋史

史吉

宋康定初夏賊寇延州永平寨主監押

欲引兵深匿山中俟賊去復歸吉爲指
揮使帥所部數百人遮城門立于馬前
曰寨主監押欲何之二人以其謀告吉
曰如此則兵完矣如城中百姓弱糧何
此往還之跡何可掩異日爲有司所劾
吉爲指揮使不免一斬願先斬吉于馬
前不然不敢以此兵同行寨主監押慙
懼引轡而返賊至圍城吉帥衆拒守數
日而賊去朝廷以主押完城功各遷一
秩吉曰幸完城寨吾豈論功乎後官至

團練使女妻郭遠爲郡夫人亦有明識
遠喜治生家甚豐夫人嘗曰我與公俱
老所食能幾何子孫皆有官公位望不
輕乎曷爲多藏以敗名也

郭遵

康定元年三月癸酉鄜延路經畧安撫
韓琦言昨者夏賊寇延州有西路都巡
檢使侍禁閤門祇候郭遵從劉平與賊
戰賊有跨馬舞二劍以出大呼云欲鬪
將者平問諸將無敢敵者遵獨行因上馬

舞二鐵簡與賊格鬪賊應手腦碎衆遂
却項之遵又橫大鋤刀率百餘人進陷
賊陣至其帳前而還凡三出三入所殺
幾百人遵馬倒爲賊所害聞賊中皆歎
服其勇也乞優賜褒贈及錄其子孫詔
遵贈果州團練使母妻封郡君孝子悉
除供奉官侍禁殿直兄弟亦以差拜官

夏安期

嘉祐元年五月以龍圖閣直學士知延
州州東北阻山無城夏賊嘗衆之安期

至即令大築城方盛暑諸將曰士卒有
怨言安期益廣計數百步令其下曰敢
有一言動衆者斬躬自督役不踰月而

就延袤六里並出宋史

孫覽

以寶文閣待制知渭州改

知延

安府保

障有勞於吏事尤勤入爲戶部侍郎

李師中

自洛川舉改知敷政縣兼充經畧司屬
官宥州移牒保安軍以歲賜每至次年



方畢欲歲終皆得之延州以聞朝廷降
式許之師中改云依久例因論奏曰戎
人所欲無厭今許之不足以示恩徒啟
其貪心而示弱樞密院劾其擅改制書
師中曰所改者保安軍回宥州牒耳非
制書也遷提點廣西刑獄事出宋史

李若谷

自滑州改知延州夏人遣使來前守多
延之堂上若谷獨廡下飲食之遷知壽

州宋史云

种諤

自涇州郡守爲廊延路副都總管諤上
言夏主秉常爲其母梁氏所囚其事尚
本神宜擣其巢穴諤入對大言神宗壯之
乃以諤爲廊延路經畧安撫副使軍次
綏德城遣諸將出塞朝廷罪諤輕出令
還帥延安夏人聚兵于夏州諤出兵大
敗之捷書聞神宗大喜復以功遷龍神
衛四廂都指揮使後知延州卒于任

范純粹

以戶部侍郎出知延州府哲宗親政用
事者欲啟邊釁以純粹棄地爲非降直
龍圖閣復以寶文閣待制移熙州徽宗
時復以舊職帥延安以課最徙知永興
軍

孔平仲

自陝西轉運使徙知延安府平仲以經
學飾史事以威信待羗人甚有治狀尋
移環慶奉祠

張載

自祁州司法參軍爲雲巖令

雲巖併入宜川

厚俗爲先每以月吉具酒肴召鄉耆年會于庭親爲勸酬使人知養老事上之儀問民疾苦常於座右書視民如傷四字呂公著言有古學神宗召見問以治道對曰爲政不以三代爲法者苟道也除崇文院校書

劉昌祚

熙豐中以昌州刺史知鎮戎軍爲鄜延路經略安撫使知延州鄜延自義合至

德靖寨綿亘七百里堡砦五十餘疏密
不齊烽燧不相應昌祚立爲定式凡耕
墾訓練戰守比成度強弱分地望圖山
川形勢上之除雄州團練使元祐初移
帥涇原出宋史

錢卽

崇寧末以直龍圖閣知慶州改知延安
府夏國人使文檄來往多由鄜延號爲
西門凡移檄與諸路理辨率由延安刊
定以付邊吏夏人書至密閱其當受與

否諸邊皆稟覆自即至烏延每屈之以
禮夏人以所賜御寶大言於邊即卻不
受使人入境所舉小不如式劾引伴者
移檄夏國責其失禮出采史

劉韜

先為陝西轉運使時六路大舉廊延帥
劉法戰歿夏人乘勝攻圍震威韜領帥
事出奇兵敗之圍遂解夏人來言國主
納款謝罪人疑其詐韜謂兵興累年我
尚不能反况彼小邦乎此情實也何疑

我即受其使因密疏以聞詔許其自新
而西邊以安進徽猷閣待制知越州

劉法

重和初為廊延帥時童貫以陝西等路

宣撫使摠諸道兵築夏制靖夏制戎伏羌等

城謂可致西賊死命逼法使北取朔方

法不可貫曰君在京師時親受命于上

前自言必成功今乃以難告何也法不

獲已引軍出塞夏人伏兵擊殺之貫隱

其敗而以捷聞使百官入賀議者切齒

法為時名將及死于兵士大夫寃之

賈奕

宣和末為延安帥時夏人因遼人納款
請和且以誓表進許之已而夏使來賀
生辰授以誓詔辭不取賞莫能屈但嚴
迫館伴使強之而去還及境遂棄以歸
奕得而表上之貫始大沮

陶節夫

宗寧三年知延安府四年春王帥復銀
州節夫城築才五日而畢功樓櫓城雉

歟若幻出夏人傳駭以爲神未幾夏人
恃契丹來索地詔廢爲銀川城屬延安
府節夫力陳地不可棄徽宗不從是役
也節夫授劉延慶以策破賊衆七萬又
俘馘咩屈凌聲以下首領三百六十三
拓地幅員八百里不廢內帑中都一錢
一米而收功如許未幾刀丐鄉郡加龍
圖閣學士知洪州會執政言節夫不可
去令再任

王庶

先為直徽猷閣陝西都轉運使高宗即位丁南京除厯直龍圖閣鄜延路安撫總略使兼知延安府屬麟府丹等州告急即扶病兼程當前帥張深副總管劉光世勤王之投廩無餘糧兵不滿千厯料簡鄉兵盡索甲馬得勝兵萬數騎二千富民爭獻金穀府庫僅充厯分遣兵將據要捍賊屢獲勝捷明年金人由馮翊清水度河破潼關降同華屠秦犯鞏取聞賊度江傳檄諸路約共討賊迄無

應者庶獨遣劉光烈斷河橋與賊戰于
屈泉大破之金人又犯廊坊庶從間道
據守要害時危棘報至庶掃壁赴敵將
至靈時賊由康定而退賊有自熙河還
者并趨隴坊庶檄劉延亮設伏于神水
峽邀其歸路賊知庶至一夕遁去陞集
英殿修撰遷龍圖閣待制節制陝西六
路軍馬制置永興軍路尋以曲端意異
延安失利自劾去俄丁母憂並出宋史

人物

韓世忠

字良臣延安府人從効用補官建炎初
爲御營使司左軍統制三年加奉寧軍
節度使討平苗劉大儀之役敗兀朮擒
孛堇秦檜主和戎世忠以爲不可伏兵
洪澤欲劫金使使乃由淮西去卒不能
劫檜銜之檜誣岳飛爲不軌送大理寺
世忠詰檜云岳家有此否檜云莫須有
世忠責之曰此三字何以使人心伏世
忠以樞密使罷兵柄乃乞奉祠世忠杜

門謝客絕口不談兵時跨驢携酒從一
二童奴遊西湖自適平生戰功最多十
指僅餘其四刀痕依然紹興十七年卒
年六十二追封蘄王謚忠武子彥古彥
直彥質惟彥古彥直最名世

貞女孟氏

孟氏女延安人父戍永樂城夏人攻圍
城陷父死焉女呼號徒步亟往潛入城
中獲其父尸大慟而卒夏人憐之併其
父瘞焉是役也有婦人焉賊愛其色而

欲私之婦大罵曰吾爲宋氏鬼不爲夏
賊婦賊怒斷其喉而死

僂釋

雲巖僧

忘其名

住山五十年辟穀定坐宣和三年辭衆
衲去衆問其故僧曰赤羊之歲汴梁無
主老僧合體今日歸去後七年是爲靖
康丁未果如其言

白雲片鶴

本金明縣人爲道士居府之天慶觀自

稱白雲片鶴嘗游汴京見趙元鎮大聲
呼曰中興名相時宣和元年也人驚異
之他日又遇元鎮於道周曰吉陽相逢
後元鎮紹興五年爲相有重名晚歲竄
海南逮至吉陽忽與白雲相見白雲曰
憶疇昔之言乎公將歸矣未幾元鎮果

下世

欽此之場大駕曰吾為宋氏兒不為夏

執事執事斷其喉而死

三



實錄卷之三

住劉觀告年居堂分物觀矣未幾亦歸

約商南對主吉觀以與白雲賦吳白雲曰

主於水應觀與女平為賦皆重為觀

康子與吳大龜亦賦於雷風曰吉觀時

自書智中興子賦觀宣味大車出入堂

大元大一統志卷第五百四十三

原長發

(B)
083
0079-1
v.30-37
[no.51
0528453

大元大一一代七卷第五百四十三

(B)
083
0079-1
v.30-37
[no.5]